



# BASES

## VII CONCURSO DE DECORACIÓN DE ESTABLECEMENTOS COMERCIAIS E HOSTELEIROS

# XVIII FEIRA MEDIEVAL

### Primeira

O Concello de Monforte de Lemos convoca o **VII Concurso de Decoración de Establecementos Comerciais e Hosteleiros**, actividade que se realizará dentro do programa de actos da *XVIII Feira Medieval* do 2022.

### Segunda

O obxectivo deste concurso é premiar os tres mellores establecementos que polo seu enxeño e ambientación medieval merezan a consideración do xurado, e así incentivar os monfortinos e os visitantes á participación e á ambientación nos actos organizados con motivo da *Feira Medieval*.

### Terceira

Para participar no concurso de decoración de establecementos é necesario inscribirse oficialmente. As solicitudes de inscrición para a participación no concurso presentaranse no Rexistro Xeral do Concello de Monforte do 22 de marzo ó 12 abril de 2022.

A inscrición no concurso de *decoración de establecementos comerciais e hostaleiros* implica a autorización de todos os participantes inscritos na posible difusión dos documentos visuais recollidos na realización da actividade. Documentos a utilizar polo Concello na súa páxina web, na elaboración de carteis, en folletos informativos ou outras posibles edicións municipais.

### Cuarta

Poderán participar neste concurso os establecementos comerciais e hostaleiros sitos na cidade de Monforte. Tanto a temática como o deseño da decoración dos establecementos será acorde coa época medieval. Os establecementos comerciais participantes deberán de estar ambientados acorde coa época medieval como mínimo do 14 ó 17 de abril de 2022.

### Quinta

Criterios de valoración do xurado:

Valorarase a imaxinación, a idea, a estética, a orixinalidade, os materiais utilizados e a adecuada conxunción dos artigos comerciais do escaparate coa decoración medieval.

Co fin de que sexan obxectivas as cualificacións do xurado, cada criterio enumerado terá unha valoración mínima do 10% e unha máxima dun 25% da total da puntuación.



## Sexta: PREMIOS

1º premio	200,00 €
2º premio	100,00 €
3º premio	75,00 €

Os premios serán indivisíbeis e poderán quedar desertos algúns deles, segundo a decisión do xurado do concurso. En caso de empate decidirá o voto de calidade do presidente do xurado. O xurado terá liberdade para establecer as súas cualificacións.

## Sétima

O xurado do concurso estará composto por:

**PRESIDENTE:** A Delegada de Cultura ou persoa á que designe.

**VOGAIS:** Persoas que traballen nas diferentes empresas contratadas para o desenvolvemento da Feira Medieval e en agrupacións e asociacións relacionadas con feiras medievais así como representantes de asociacións e colectivos relacionados coa vida monfortina.

**SECRETARIO:** O técnico de cultura do Concello de Monforte, con voz e sen voto, que certificará o cumprimento das condicións establecidas nas bases do concurso.

## Oitava

A decisión do xurado farase pública o sábado 16 de abril ás 19:30 na propia Feira Medieval.

## Novena

Os aboamentos dos premios serán tramitados polo Concello de Monforte de Lemos, a través dunha transferencia bancaria. Previamente será necesario a presentación do certificado bancario cun número da conta do titular e xustificación nos termos sinalados nestas bases.

Non poderá realizarse o pagamento do premio mentres o beneficiario non se atope ó corrente no cumprimento das súas obrigas tributarias ou coa seguridade social ou sexa debedor por resolución de procedencia de reintegro.

## Décima

A participación no concurso supón a aceptación de todas e cada unha das bases. A decisión do xurado é inapelable. Contra a resolución definitiva que esgota a vía administrativa, os interesados poderán interpor recurso potestativo de reposición perante a Xunta de Goberno Local no prazo dun mes, se o acto foi expreso ou de tres meses, ou ben directamente o recurso contencioso - administrativo, no prazo de dous meses, perante o Xulgado co Contencioso- Administrativo de Lugo.

## Décimo primeira

No non previsto nas presentes bases estarase ao disposto na ordenanza xeral reguladora da concesión de subvencións municipais e de xeito supletorio na Lei 38/2003 do 17 de novembro, Xeral de subvencións, no RD 887/2006 de 17 de novembro, polo que se aproba o Regulamento da Lei 38/2003, e na Lei 9/2007 do 13 de xuño de subvencións de Galicia.